



## Općinski načelnik

Broj: 02-14-753/18

Datum: 09.01.2019. godine

Na osnovu člana 69. st. (1) tačka b) i člana 70. stav (1), (3) i (4) Zakona o javnim nabavkama («Sl. glasnik BiH», br. 39/14), člana 70. Zakona o organizaciji organa uprave u Federaciji Bosne i Hercegovine („Službene novine F BiH“ broj: 35/05), člana 38. stav 1. tačka 6. Statuta Općine Gradačac („Službeni glasnik Općine Gradačac“ broj: 4/08, 5/12, 1/17, 5/18 i 8/18), a u vezi sa Pravnim mišljenjem broj: M-47/2018 od 09.08.2018. godine Općinskog pravobranilaštva Gradačac, u postupku javne nabavke za izvođenje radova interventne sanacije na nekategorisanim putevima na području općine Gradačac u 2018. godini, Općinski načelnik d o n o s i

### O D L U K U

#### **o poništenju postupka javne nabavke za izvođenje radova interventne sanacije na nekategorisanim putevima na području općine Gradačac u 2018. godini**

##### **Član 1.**

Poništava se postupak javne nabavke za izvođenje radova interventne sanacije na nekategorisanim putevima na području općine Gradačac u 2018. godini, evidencijski broj nabavke: 02-14-753/18 od 15.03.2018. godine, broj Obavještanja o nabavci sa Portala javnih nabavki: 1400-1-3-7-3-7/18 od 16.03.2018. godine iz razloga učinjenih propusta u primjeni člana 17. stav (1) Zakona o javnim nabavkama.

##### **Član 2.**

Za realizaciju ove Odluke zadužuju se Općinska služba za privredu, budžet i finansije i Općinska služba za urbanizam, investicije i komunalne poslove.

##### **Član 3.**

Ova Odluka stupa na snagu danom donošenja i objavit će se na web stranici Općine Gradačac u skladu sa članom 70. stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

### O b r a z l o ž e n j e

Dana 02.03.2018. godine Općinska služba za urbanizam, investicije i komunalne poslove podnijela je Općinskoj službi za privredu, budžet i finansije zahtjev broj: 06/2-JN-02/2018 za pokretanje postupka javne nabavke (dalje: zahtjev za pokretanje postupka javne nabavke).

Odlukom broj: 02-14-753/18 od 15.03.2018. godine pokrenut je otvoreni postupak javne nabavke, sa predviđenom e-aukcijom, za izvođenje radova interventne sanacije na nekategorisanim putevima na području općine Gradačac u 2018. godini, a dana 16.03.2018. godine pod brojem: 1400-1-3-7-3-7/18 objavljena je javna nabavka na portalu javnih nabavki. Do ostavljenog roka u tenderskoj dokumentaciji ponude su dostavili ponuđači: „Balegem“ d.o.o. Gradačac i Grupa ponuđača „Šike“ d.o.o. Gradačac i „Galax-niskogradnja“ d.d. Brčko. Nakon evaluacije ponuda od strane Komisije za javne nabavke Općine Gradačac (dalje: komisija za javne nabavke), te nakon održane e-aukcije, Općinski načelnik je dana 16.04.2018. godine donio Odluku o dodjeli ugovora broj: 02-14-753/18

(dalje: Odluka o dodjeli ugovora) kojom je, u skladu sa preporukom Komisije za javne nabavke i rezultatima e-aukcije, ugovor dodijelio ponuđaču koji je ponudio najnižu cijenu (u skladu sa odabranim kriterijem za dodjelu ugovora) „Balegem“ d.o.o. Gradačac.

Prije potpisivanja ugovora sa odabranim ponuđačem, kompletan spis je dostavljen Općinskom pravobranilaštvu Gradačac, radi očitovanja o potpisivanju ugovora. Svojim dopisom broj: M-47/2018 od 09.08.2018. godine stavljene su primjedbe na ne usaglašenost budžetske pozicije sa pokrenutom javnom nabavkom. Budžetom Općine Gradačac za 2018. godinu na budžetskoj poziciji (ekonomskom kodu) 613724/3 predviđena je vrsta izdatka „održavanje nekategorisanih puteva“, dok je na zahtjevu za pokretanje postupka javne nabavke traženo pokretanje postupka javne nabavke za izvođenje radova interventne sanacije na nekategorisanim putevima. Također, u Planu javne nabavke za 2018. godinu pod r.br. 43.41. planirana je javna nabavka za interventne sanacije na nekategorisanim putevima.

Članom 69. stav (1) tačka b) Zakona o javnim nabavkama propisano je da se postupak javne nabavke može okončati poništenjem postupka javne nabavke. Članom 17. stav (1) istog zakona propisano je ugovorni organ može započeti postupak javne nabavke ako je nabavka predviđena u planu nabavki.

Obzirom da za konkretnu javnu nabavku Plan javne nabavke nije usaglašen sa planiranim sredstvima u Bužetu Općine Gradačac, čime se prekršio član 17. stav (1) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:** Protiv ovog Rješenja može se izjaviti žalba Uredu za razmatranje žalbi Bosne i Hercegovine u roku od 10 dana od dana njegovog prijema. Žalba se predaje ovom organu pismeno ili putem pošte u tri primjerka.

DOSTAVITI:

1. Ponuđačima – 1x
2. Evidenciji – 1x
3. a/a – 1x

